



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE
Savjet za lokalni ekonomski razvoj (SLER)
Živinice, 17.12.2019. godine

ZAPISNIK

Sa sastanka SLER-a, održanog 17.12.2019.godine, sa početkom u 13 sati u prostorijama Grada Živinice (Sala za sastanke – kabinet Gradonačelnika).

Sastanku prisutni članovi SLER-a, prema listi sa potpisima koja je u prilogu.

Na sastanku je razmatran sljedeći dnevni red:

1. Plan budžeta za 2020g.
2. Kapitalni projekti za 2020.g

1. Sastanak je otvorio Gradonačelnik, te nakon uvodnog obraćanja upoznao prisutne da je u skladu sa predviđenim zakonskim procedurama nakon usvojenog nacрта Budžeta za 2020.godinu u pripremi izrada prijedloga Budžeta grada, te da je u istom između ostalog predviđeno:
 - Izgradnja rotora u poslovnoj zoni Ciljuge 2
 - Trasiranje dijela puteva u PZ Ciljuge 2.
 - Nastavak izgradnje vodovodnog sistema PZ Maline – II faza
 - Izgradnja dijela putne infrastrukture u PZ Novi Grad
 - Uređenje nove poslovne zone u ukupnom iznosu cca 1.000.000 KM,.

Takoder je predviđen je nastavak projekta podrške start up projektima i poljoprivrednim projektima, a od ove godine se uvodi i novi vid podrške za mlade – subvencioniranje kamata na stambene kredite.

Izuzev gore navedenog u Budžetu su predviđeni i drugi infrastrukturni projekti kao i sredstva za pokriće tekućih troškova neophodnih za generalni razvoj i funkcionisanje JLS. Očekuje se da će Budžet za 2020.godinu iznositi cca 27.0000.000 KM.

Nakon diskusije u koju se uključilo više prisutnih sa pohvalnim komentarima za riječ se javio Selmir Šljivić, koji je sekretar Udruženja poslodavaca Živinica sa pitanjem da li bi Grad kroz Budžet bar simbolično mogao podržati rad udruženja.

Ovaj prijedlog je prihvaćen od strane Gradonačelnika i Predsjedavajućeg GV, te je zaključeno da SLER daje podršku Budžetu Grada za 2020.godinu uz amandaman da se u isti uključi i sufinansiranje Udruženja poslodavaca sa 10.000 KM.

2. Po pitanju kapitalnih projekata planiranih u 2020.godini naglašeno je da je u okviru Budžeta planirano da se za kapitalne investicije u 2020.godini utroši 7.943.029 KM odnosno 29,42% budžetskih sredstava. Prilikom planiranja kapitalnih izdataka vodilo se računa o prioritetnim projektima (vodovodi, kanalizacija, putna infrastruktura) a koji i imaju veze sa postavljenim prioritetima u Integrisanoj strategiji razvoja. Prisutni su izvršili uvid u ponuđeni plan, te kako nisu imali primjedbi izuzev što su pitali šta je sa projektom toplifikacije na što je Gradonačelnik dao obrazloženje da su okončani pregovori sa JP Elektroprovreda te da je projekat primarnog termalnog voda iz Termoelektrane Tuzla ovo JP uvrstilo u svoj trogodišnji plan., a da će Grad uz podršku TK obezbijediti u istom periodu okončanje ranije započetog sekundarnog voda. Nakon ovoga donešen je zaključak da se daje podrška planu kapitalnih projekata za 2020.godinu.

Sastanak je završen u 16 sati.

Zapisnik sačinio:
Admir Aljić